



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Philippi Clüveri[i] Germaniæ Antiquæ Libri tres**

**Clüver, Philipp**

**Lugduni Batavorum, 1631**

Cap. XXXVIII. De democraticis rebuspublicis cum principatu.

**urn:nbn:de:hbz:466:1-44541**

suam cuique patriam regna sinebantur: nullâ adhuc malâ libidine. At postquam exiit æqualitas, & pro modestiâ ac pudore ambitio & vis incedebat; non modò rapinæ ac bella in finitimos, sed domi etiam in suos civis, liberiores provenère dominationes, regnaque jam infinita, cum potestate imperandi absolutilimâ. quorum primum conditorem, post inundationem, fuisse Nimrodum, sive Ninum, sacræ juxta profanæque testantur historiae. unde absolutilissima illa in Oriente imperia, non tam in subditos ac civis, quàm in vilissima mancipia æternum mansère. Atque hoc tandem est, quod Aristoteles, haud dubiè ex veterum traditionibus, adfirmat, ἡ τῶν ἡρωικῶν χρόνος prima regna fuisse exorta. Eadem postea quum in Germaniâ quoque exorirentur; non nullos apud populos evaluerunt: quidam, uti per vim ea atque libidinem à regibus arrepta videbant, sic statim pari vi atque indignatione eripuerunt, in plenamque sese & absolutam vindicarunt libertatem. Hinc dux in antiquâ Theutiscorum gente rerumpublicarum puræ ac simplices nulloque alio genere permixtæ formæ, MONARCHIA, ac DEMOCRATIA. Quidam verò veterem illum atque avitum gentibus morem ad posteriora quoque sæcula retinuerunt, vel saltem abolitum revocarunt, unde tertium quasi genus, è monarchiâ democratiâque confusum ac mixtum. Sed singulorum generum exempla ex veterum ostendere monumentis atque clariùs illustrare libeat.

## CAPUT XXXVIII.

## De democraticis rebuspublicis cum principatu.

26

**Q**UODNAM rerumpublicarum genus sit optimum, ceterisque præstantissimum, nec hujus operis est inquirere, & multi jam dudum ostendere conati sunt. unum hoc ego heic dixerim; libertatem, atque ex eâ natam democratiâ ut plurimum amplexos fuisse Germanos nostros; adeò, uti uno fermè LIBERTATIS nomine atque famâ Græcis juxta ac Latinis monumentis maximè celebrati sint. Unde hæc auctoris nostri, in libro de Germaniâ, verba: *Sexcentesimo & quadragesimo annu urbs nostra agebat, cum primum Cimbrorum audita sunt arma, Cecilio Metello ac Papirio Carbone Coss. ex quo si ad alterum imperatoris Trajani consulatum computemus, ducenti fermè & decem anni colliguntur. tam diu Germania vincitur. Medio tam longi ævi spatio, multa invicem damna. non Samnis, non Pæni, non Hispania, Gallieve, ne Parthi quidem sapius admonuère. quippe regno Arsacis acrior est Germanorum libertas. Quid enim aliud nobis, quàm eadem Crassi, amisso & ipso Pacoro, infra Ventidium defectus Oriens objecerit? At Germani, Carbone, & Cassio, & Scauro Aurelio, & Servilio Cepione, M. quoque Manlio, fisis vel captis, quinque simul consularis exercitus populo Romano, Varum tresque cum eo legiones etiam Casari abstulerunt. nec impunè C. Marius in Italiâ, divus Iulius in Galliâ, Drusus ac Nero & Germanicus in suis sedibus perculerunt. mox ingentes C. Casaris mina in ludibrium versa. inde otium; donec occasione discordie nostræ, & civilium armorum, expugnati legionum hibernis, etiam Gallias affectavère. ac rursus pulsî inde, proximis temporibus triumphati magis, quàm victi sunt. Ergo omnium toto orbe gentium fortissimi Germani. Nempe una LIBERTAS fortitudinis certa mater, nutrixque 40 fidissima. E diverso, Orientis populi meritò auctoribus molles bello viri passim adpellantur; ut qui absolutilimis regnis ceu dejectissima servitia continebantur. A liberorum igitur Germaniæ populorum, ut omnium nobilissimorum, democratiâ initium facere haud iniquum fuerit: imò maximè necessarium. hujus quidpe explicatione præmissâ, reliqua rerumpublicarum genera, qualia fuerint, faciliùs intelligentur.*

Democraticarum igitur rerumpublicarum aliæ cum principatu fuère, aliæ sine principatu. de his posterius agam: de illis hoc capite. PRINCIPATUS in democraticis Germanorum rebuspublicis erat eminentis unius auctoritas, reliquorum omnium potestate atque legibus definita. Tacitus, prædicto libro de Germaniâ: *Reges ex nobilitate, duces ex virtute sumunt. nec regibus infinita aut libera potestas; & duces exemplo potiùs, quàm imperio, si prompti, si conspicui, si ante aciem agant, admiratione præsent. Rectè equidem majores nostri reges ex nobilitate, duces ex virtute sumebant. quidpe virtute opus erat foris, uti hostis proffigaretur; nobilitate domi, uti auctoritas polleret in civem. Ceterum regis nomen heic improprie pro principis auctoritate esse sumtum, ipse auctor infra, ubi de conciliis agit, satis disertè his verbis indicat: *Cœunt, nisi quid fortuitum & subitum inciderit, certis diebus: cum aut inchoatur luna, aut impletur. Illud ex libertate vitium, quòd non simul, nec jussi conveniunt; sed & alter, & tertius dies contatione cœuntium absuntur. Ut turba placuit, considant armati. Silentium per sacerdotes, quibus tum & cœercendâ jus est, imperatur. Mox rex, vel princeps, prout**

4145

*atque cuique, prout nobilitas, prout decus bellorum, prout sacundia est, audiuntur, auctoritate suadendi magis, quam iubendi potestate. Si displicuit sententia, fremitu aspernantur: sin placuit, frameas concutunt.* Heic scilicet nullum inter regis ac principis imperium discrimen: uterque enim auctoritate magis suadendi, quam iubendi potestate, audiebatur. quod clarius etiam patet ex Cæsaris belli Gallici commentario v: ubi Ambiorix, Eburonum (Germani erant Cisthenani) dimidiæ partis rex, sic adfatur Romanos: *Neque id, quod fecerat de oppugnatione castrorum, aut iudicio, aut voluntate sua fecisse; sed coactus civitatis. suaque esse eiusmodi imperia, ut non minus haberet in se juris multitudo, quam ipse in multitudinem.* Nimirum hoc est, quod Tacitus ait, *suadendi magis auctoritate, quam iubendi potestate, regem vel principem audi.* ita, uti Ambiorix rex, etiam si in concilio bellum in Romanos civitati Eburonum disfavisset; tamen à multitudine, ad inferendum ducendumque, cogi, vel saltem juberi poterit. Quin suos, ut Romanorum castra oppugnarent, non iussisse, sed concitavisse eum cum Cativulco, alterius Eburonum partis rege, testatur Cæsar eodem commentario. Tacitus annal. lib. xi: *Eodem, inquit, anno Cheruscorum gens regem Romam petivit; amissis, per interna bella, nobilibus, & uno reliquo, stirpis regie, qui apud urbem habebatur, nomine Italus. Paternum huic genus è Flavio, fratre Arminii: mater ex Acrumero, principe Cattorum, erat.* Cheruscos regnatos fuisse ante hunc Italum, nusquam reperio. principes eorum refert Tacitus, in annalibus, fratrem Flavii (qui stipendia fecit in Romanorum exercitu Tiberio ac Germanico ducibus) *Arminium;* dein duos fratres *Segestem* ac *Semigrem.* Proinde principem quoque voluisse Cheruscos, non regem, Italum, omnino credibile est. Ipsi certe Cherusci, prædicto libro apud Tacitum, principem adpellant. *Adeo neminem, inquit, iisdem in terris ortum, qui principis locum impleat.* Et quid Cherusci regem peterent, qui Arminium, antea principem, regnum adfectantem oppræsserant: quique Maroboduum, multarum gentium in Germaniâ regem, quum se regno suo adjicere armis tentaret, Arminii ductu reppererant; moxque Hermunduris, Marcomannis, ceterisque Maroboduo subiectis gentibus auxilium tulerant ad pellendum regno Maroboduum? Certè regnum istud Itali non aliud fuit generis, quam illud Ambiorigis & Cativulci; ubi æqua multitudini cum regibus fuit potestas: hoc est, principalis auctoritas in democratiâ, cum svaforio jure iubendi. Regis autem adpellatio, tum Tacito in Cheruscorum Italo, tum Cæsari in Eburonum Ambiorige & Cativulco, inde nata videtur, quod unum idemque imperii genus Romani modò regis, modò principis promiscuè usurparunt vocabulis: illud tamen quasi prædictum Romanorum Spartanorumque imitatione; qui consimilis potestatis imperium regum quoque; titulo adficebant; ut mox ostendam. Sic igitur Tacitus, hist. lib. iv, Clasicum quoque, alæ Treverorum in Romano exercitu præfectum, regio fuisse genere tradit; quum tamen Indutiomarus, à quo Clasicum genus originemque traxisse mox infra patebit, principem fuisse Treverorum adfirmet Cæsar, belli Gall. com. v. sic item Julium Paullum, & Claudium Civilem, regiâ stirpe fuisse apud Batavos, ait Tacitus eodem libro, quum princeps tantum olim habuerint Batavi, non reges; ut infra liquebit. At quam exigua fuerit principum istorum, sive regum, in democraticis rebus publicis auctoritas, suadendi magis quam iubendi, disertè indicat idem Tacitus, in libro de Germaniâ, per comparisonem aliorum in Germaniâ regum. *Trans Lygios, inquit, Gothones regnantur, paullo jam addictius, quam ceteræ Germanorum gentes; nondum tamen supra libertatem. Protinus deinde ab oceano Rugii, & Lemovii. omniumque harum gentium insigne, rotunda scuta, breves gladii, & erga reges obsequium.* En: dum Gothones addictius jam regnum, quam ceteris, cum libertate tamen tribuit; Rugiis etiam & Lemoviis erga reges obsequium, quo veluti insigni ab reliquis antè enarratis Germanorum nationibus distinguntur: sanè ceteris illis plenam, integram, atque infinitam concedit libertatem. Paulo post, de Svionibus, qui Svedi nunc vulgò dicuntur; *Est apud illos, inquit, & opibus honos: eoque unus imperitat; nullis jam exceptionibus, non precario jure parendi.* Quibus verbis itidem absolutam atque infinitam ceteris Germaniæ nationibus assignat libertatem, quorum reges, seu principes hoc ipso à Svionum regibus discernit, quod hi liberam in suos & infinitam habebant potestatem imperandi; unique soli imperitabant: Gothonum verò regibus non nisi precarium erat ac svaforium jus parendi, cum multis exceptionibus subiectorum: qui tamen ipsi addictius regebantur, quam ceteræ civitates. In his igitur puraputa democratia meritò dici debet. quidpe summa imperii potestas majestasque apud univèrsam erat populum. in quo licet ordines diversi, alius alio superior, principis, sacerdotum, primorum, sive procerum, nobilium, & plebis; tamen in conciliis ac conventibus, sine jure aut dignitate *æquius, ut turba placuit, armatus quisque confedit:* & iterum, sine jure *æquius, prout atque cuique, prout decus bellorum, prout sacundia erat;* pro se quisque sententiam dixit:

idque in negotiis gravioribus, quæ ad statum totius civitatis spectabant. sic enim idem noster; *De minoribus rebus principes consultant, de majoribus omnes. ita tamen, ut ea quoque, quorum penes plebem arbitrium est, apud principes pertractentur.* & postea: *Licet apud concilium accusare quoque, & discrimen capitis intendere.* & iterum: *Eliguntur in iisdem conciliis & principes, qui jura per pagos vicisque reddunt.* Sine ipsâ igitur plebe nihil audebat statuere aut decernere rex ille, vel princeps; imò ne proceres quidem, seu primores. Hinc Civilis, regiâ, ut antè dictum, sive principali apud Batavos stirpe ortus, quum gentem ad rebellionem pertrahere vellet; *primores gentis, & promissimos vulgi, specie epularum, sacrum in nemus vocavit;* teste eodem nostro, historiar. lib. iv. scilicet, quia sine vulgo, id est, sine plebe, neque Civilis, Batavorum nobilissimus, neque primores quidquam decernere, jus fasve habebant. Quamobrem vehementissimè falluntur ii, qui Batavorum rempublicam aristocraticam fuisse Civile vivente arbitrantur. neque eorum sententiæ quidquam patrocinantur verba Strabonis, ita, lib. iv, de Belgis loquentis: *Ἀριστοκρατία δὲ ἦσαν αἱ παλαιοὶ τῶν Βελγῶν*: hoc est: *pleræque eorum respublica per optimateis administrabantur.* etenim τὰς παλαιοὶ, non verò omnes fuisse ait aristocraticas. nomen autem Belgarum longius ipse, quàm quisquam alius auctorum, in ultimam usque versùs occasum solstitialem Galliam, quæ nunc *Britannia* dicitur *minor*, extendit. quapropter ex *plerisque* illis, cum aliæ nationes, tum maximè Batavorum civitas exempta esse poterat: imò jure debebat; quia Batavi Germanorum, unde orti erant, moribus agebant in omnibus rebus: aristocraticum autem imperandi genus à Græcis Massiliensibus Galli acceperant: à quibus nihil profus Batavi; ne propiores quidem cis Rhenum in Gallico solo Germani. sic namque in Eburonum quoque, Germanicæ nationis, civitate, ut antè ostensum, summa imperii potestas penes multitudinem fuit. Strabo verò superioribus continuo ista subjungit: *Ἐνα δὲ ἡγεμόνα ἡγουμένον καὶ ἐνιαυτὸν παραλείπειν ὡς δὲ αὐτὸς εἰς πόλεμον εἰς ἑσπέρην ἀπεδείκνυτο στρατηγός.* id est: *Antiquitus unum quotannis deligebant principem: similiterque unus belli dux à multitudine designabatur.* En; apertè Strabo testatur, non ἑσπέρην ἀπεδείκνυτο, id est, *ob optimateis duccis istos belli fuisse constitutos, sed ἑσπέρην, hoc est, à multitudine; quam plebem atque vulgum vocat Tacitus.* Quod ergo reliquum est in signo, quodve indicium, quo Batavorum, Germanicæ gentis, respublica aristocratice magis quàm democratice adsumitur? Nempe, quòd Cæsar, belli Gall. comment. vi, scribit, *plebem penè servorum loco haberi apud Gallos, & nulli adhiberi consilio;* sed imperium omne intra Druidas & equites consistere. Ad hoc quoque facilis & eadem est responsio. Nempe, si de Gallorum plebe verè hoc scripsit Cæsar; Gallis ego suos mores lubens relinquo: Germanis tam Cisrhenanis quàm Transrhenanis ne quis temerè eos tribuat, sedulus moneo. hi quidpe avitis vixerunt ut plurimum moribus, quum Galli in molliorem jam dudum vitam Græcis Massiliensium moribus corrupti forent. Proinde non modò Batavos, sed omnes pariter Germanos Cisrhenanos democratico imperio civitateis suas sive respublicas gubernasse, maximè credibile est. sic enim in Eburonum quoque civitate, ut antè dictum, summa imperii potestas non penes unos proceres, nec penes unos equites, id est, penes unam nobilitatem, sed penes omnem fuit multitudinem. sic Indutiomarus, teste Cæsare sub finem com. v, quum Cingetorigem, generum suum, Cæsaris parteis sequentem, hostem judicari vellet; *armatum multitudinis concilium indicit; quo, lege communi, omnes puberes armati convenire cogebantur.* Sine multitudine igitur, id est, sine plebe seu vulgo Indutiomarus Cingetorigem hostem judicare, *bonaque ejus publicare nequivit, cogebatur autem plebs convenire, non Indutiomari principis imperio, neque procerum jussu; sed lege communi, communiter ab omni simul plebe latâ.* Hinc sub initium com. vi, *interfecto,* inquit Cæsar, *Indutiomaro, ad ejus propinquos à Treveris imperium defertur.* nimirum ab omni Treverorum multitudine. nam proceres jam dudum sponte parteis Indutiomari deseruerant, Cingetorigi mox à Cæsare conciliati; ut auctor est ipse Cæsar, in comment. v; qui *principes* eos adpellat, quos Tacitus, historiar. v, *senatores.* sed & hic in libro de Germaniâ, eundem ordinem vocat *principes*: ut mox ostendam. Mera igitur atque germana fuit democratica, cum Batavorum, Eburonum, ac Treverorum, tum omnium haud dubiè Germanorum cis Rhenum colentium, rerumpublicarum gubernatio, è Germaniâ, unâ cum ceteris Germanorum moribus, in Galliam translata. Ceterum, quum tam absoluta tamque pura fuerit istarum civitatum democratia; principes eorum, sive reges eodem modo, ut apud Lacedæmonios, solo nomine tantum fuere reges; re autem ipsâ δὲ ἑαυτῶν nihil aliud fuit, quàm στρατηγία ἀπὸ βίης, id est, *imperium bellicum per totam vitam; sive στρατηγία αἰδῶ, imperium militare æternum:* ut tradit de Lacedæmoniorum regibus Aristoteles, πολιτικῶν lib. iii, cap. xii.

nam in hoc potissimum ab initio constituti fuere, uti hostem à suæ civitatis finibus propellerent; aut multitudinem in finitimorum agros educerent. omnis namque eorum vita nil nisi perpetuum fuit bellum. Dionysius Halicarnassensis, lib. II, de Romanorum regum potestate loquens; quam Romulum instituisse arbitratur: *Εκ δὲ τῆς Λακωνικῆς πολιτείας ἡ τῆς μεταρχαίου* *ἔδει δὲ οἱ Λακεδαιμονίων βασιλεῖς ἀντιπρόσωποι ἦσαν, ὅτι βέλονται περὶ τὴν ἀλλ' ἢ γερρασία πᾶν εἶχε τὴν κρητὸν τὸ κράτος*. id est: *Hoc quoque à Laconicâ republicâ desumpsit. quidpe Lacedæmoniorum reges non erant sui arbitrii, ut, quidquid vellent, facerent: sed penes senatum erat tota publicæ administrationis potestas.* Idem auctor, lib. V: *κατὰ δὲ χάρις ἰδρὶ ἀπὸ τῆς πόλεως Ἑλλάδος ἐβασιλεύοντο, πάλω δ' ἔχ' ὡς περὶ τὰ βάρβαρα ἔθνη δεσποτικῶς, ἀλλὰ ἀκτ' νόμος τῆς ἐθνομῆτος πατρῆος. ἡ κράτης* *ἡ βασιλεύς*. *ὁ δὲ κράτης τῆς νόμιμότητος*, *ἔμηνεν ἐκ διαίωμῶν τῶν παλαιῶν.* hoc est: *Ab initio omnibus Græcia urbibus sui erant reges: qui tamen non barbaricâ licentiâ dominabantur; sed juxta leges & mores patrios regnum exercebant. optimusq; rex habebatur, qui esset justissimus, & legum observantissimus, nusquam discens ab institutis patriis.* In Atheniensium δημοκρατία dicebantur ἀρχοντες. Verum in Germanis nostris, quod Aristoteles, *πολιτικῶν* lib. V, cap. V, in commune ait, *ἦν τὸ δὲ χάρις τῶν ἀντὶν ἡρώδης δημογωγῶν ἡ στρατηγῶν*: id est, *priscis temporibus eundem populi, eundemq; exercitus fuisse ductorem.* Apud nostros exemplum dictæ dignitatis est in Arminio, Cheruscorum principe; quem duodecim potentie annos explevisse, quum propinquorum dolo caderet, auctor est Tacitus, sine annal. II. Romani equidem homines, ob Lacedæmoniorum regum similitudinem, reges eos adpellarunt. at re verâ nil nisi duces exercituum erant, quos patria lingua dixit *Herzog*; de quibus plura post dicam. In bello haud minus, quàm aliarum civitatum duces, qui in certum tempus certumq; bellum delecti erant, *exemplo potius, quàm imperio, si prompti, si conspicui, si ante aciem agerent, admiratione præfuerunt.* nam, quemadmodum domi in conciliis, sic foris in militia, *neque animadvertere, neq; vincere, neq; verberare quidem, nisi sacerdotibus permissum erat; non quasi in penam, nec ducis jussu, sed velut deo imperante, quem adesse bellantibus credebant.* Idem hi reges sive principes sæpè à plebe seu multitudine pro legatis mittebantur extra civitatem. sic Malorix atque Verritus, Frisiorum principes, missi sunt Romam ad Neronem imperatorem; teste Tacito, annal. XIII. sic Mafius Marcomanorum rex cum Gannâ, virgine sacerdote. missus ad Domitianum; teste Dione, libro LXVII. sic Vallomarius, ejusdem gentis rex, ad Mallium Bassum, Pannoniæ præfectum; teste Petro Parricio in historiâ. Sed ne redivus quidem regibus istis è regis vel principis nomine ac dignitate ulli certi. *Mos est civitatibus,* inquit Tacitus in libro de Germaniâ, *ultra, ac viri- tim conferre principibus, vel armentorum, vel frugum aliquid; quod, pro honore acceptum, etiam necessitatibus subvenit.* Ex hoc comitibus suis, de quibus suo loco dicam, *epule, & quamquam incomiti, largi tamen apparatus, pro stipendio cedebant.* Materia autem munificentia per bella, *& raptus.* id est, ex hostibus habebant, quæ comitibus suis donabant. *magnumque comitatum non nisi vi belloque tuebantur. exigebant enim comites, principis sui liberalitate, illum bellatorem equum, illam cruentam victricemque frameam;* de quibus infra differetur. Illud tamen quasi ex lege, seu instituto, quod eodem in libro iis tribuit auctor his verbis: *Sed & levioribus delictis, pro modo pœnarum, equorum pecorumque numero convicti multantur. pars multe regi, vel civitati, pars ipsi, qui vindicatur, vel propinquis ejus exsolvitur.* Nec fœdellitum, sive stipatorum, seu corporis custodum aliquod ex regiâ potestate vel dignatione erat præsidium: sed comitatus solummodò domi militiæque voluntarius; de quo dicam, ubi de militiâ eorum mihi sermo erit. In universum æstimanti, summa auctoritas, tam in eâ democratiâ, quæ cum principatu, quàm quæ sine principe vel rege erat, penes unos fuit sacerdotibus, cum domi in pace, tum foris in bello; ut supra, cap. XXIV, ostensum est. Domi tamen principem jus habuisse atque potestatem indicendi concilium, item præsidendi conciliis ac judiciis publicis totius civitatis, patet ex Indutiomari exemplo supra citato. Et quia singulis cujusque civitatis pagis ac vicis suis erat magistratus, sive, ut Tacitus & Cæsar vocant, princeps, qui jus reddebat; supremum quoque totius civitatis principem, sive regem, in eo pago, in quo domicilium habitationemque habebat, locum juris dicendi obtinuisse credibile est. pagum verò fortè incoluit, qui totius civitatis caput. Nomen *regis* à Romanis, ut antè dictum, parum proprium iis impositum; quum haud dubiè è re ipsâ sermone patrio dicerentur *thi Försten*: antiquo vocabulo Germanico *forste*, quod hodièque apud Danos, Svedos, atque Norvagios *primum* numero significat: eadèmq; significatione apud Anglos in Britanniâ est *firft*. quâ ratione etiam vocabulum *princeps* Latinis derivatum à voce *primus*. Posteriores Germani, in Galliam transgressi, quum Latinæ lingvæ usum illic addiscerent, ejusdem dignitatis viros Latinè vocaverunt *principes*: quod vocabulum ad hanc usque diem in Germaniâ durat. Germanicè tamen etiam nunc, ut olim, Svedis, Norvagijs,

Faint, illegible text, likely bleed-through from the reverse side of the page.